



COMUNU DE SCALEPRANU

PROVÌNTZIA DE SUD SARDIGNA

DELIBERATZIONI DE SU CUNSILLU COMUNALI

N. 26 DE SU 26/10/2020

OGETU: VARIATZIONI A SU BILÀNCIU DE PREVISIONI PO S'ESERTZÌTZIU DE IS ANNUS 2020/2022. APRICATZIONI A SU BILÀNCIU DE PREVISIONI 2020/2022, CUOTA CHI COILLAT DE AMINISTRATZIONI ART.187 DE SU D.LGS. 267/2000

S'annu duamillaebinti, in di de su BINTISES de su mesi de LADÀMINI a is 17,22, in modalidadi de videocunferèntzia, cunforma a su decretu de su Sìndigu n.1 de su 01/04/2020, pustis sa cunvocatzioni fata cunforma a s'art.3 3 de su regulamentu de su Cunsillu Comunali, s'est atobiau su Cunsillu Comunali in prima convocatzioni.

Is cunsilleris pigant parti in modalidadi de videocunferèntzia cun sa piataforma Google Meet. Nd'arresutant presentis a s'apellu nominali:

SU SÌNDIGU Marco Lampis

CUNSILLERIS PRESENTIS

AGUS DANILO
CARTA PAOLO

LAI ANTONIO
LEONI ELEONORA
LOCCI MAURO
PISANU MICHELE

ROSAS JOHNNY
SPANO SANDRA RITA
USALA LAURA

CUNSILLERIS ASSENTIS

LAI ALESSANDRO

PRASCOLU NICOLA

ZEDDA FILIPPO ANDREA

Cunsilleris assinnadus n. 12 in prus de su Sìndigu, in totu n. 13

presentis in totu n. 10

Cunsilleris in càrriga n. 12 in prus de su Sìndigu, in totu n. 13

presentis in totu n. 10

Cun s'assistèntzia de su Segretàriu Comunali Dot. Giovanni Mattei, su Sìndigu Marco Lampis, pigat sa presidèntzia e acraradu su nùmeru legali de is intervènnius, deccarat aberta sa setzida e cumbidat is cunsilleris a deliberari asuba de s'ogetu postu in sus.

Si donat autu ca sa piataforma telemàtica chi permitit su riconoscimentu de sa faci e de sa boxi e duncas s'identificatzioni de sa persona de su Segretàriu est sa piataforma Google Meet po is cunferèntzias virtualis.

SA SETZIDA EST PÙBBLICA

SU CUNSILLU COMUNALI

PREMÌTIU ca:

- Cun sa deliberatzioni de su Cunsillu Comunali n.11 de su 29/04/2020 est stètiu aprovau su Documentu Ùnicu de programatzioni 2020/2022 e su bilànciu de previsionu 2020/2022;
- Cun sa deliberatzioni de sa Giunta Comunali n.42 de su 02/09/2020 innui s'est provediu a aprovari su Pianu Esecutivu de Gestioni (P.E.G.) 2020/2022;
- Cun s'antu de Determinatzioni n.340 de su 23,09,2020 est stètia apricada una cuota de dinai coillau vincolau 2019 a su bilànciu de previsionu 2020 cunforma a s'art.175 corriedda 5-quater lìtera c) de su D.Lgs. 267/2000;

BIA sa deliberatzioni de Cunsillu Comunali n.17 de su 02/09/2020 po s'aprovatzioni de su rendicontu de sa gestioni de s'esertzìtziu finantzàriu 2019 e de is allegaus cosa sua;

ACRARAU ca su contu de su bilànciu de s'esertzìtziu 2019 si serrat a su 31.12.2019 cun dinai coillau de aministratzioni a su ntu de su Fundu Pluriennali Vincolau de € 2.972.325,39 pratziu in fundus postus a parti po € 423.768,45 – fundus vincolaus po € 575.233m08 e fundus no vincolaus po € 1.973.323,86.

ARREMONAU s'art.187 de su D.Lgs. 267/2000, po sa cumpositzioni de s'arresurtau de aministratzioni, arregordendi “*S'arresurtau de aministratzioni est pratziu in fundus liberus, fundus vincolaus, fundus destinaus a is investmentus e fundus acantonaus. Is fundus destinaus a is investmentus funt costituius de is intradas econòmicas in c/capitali fora de vìncolus de destinatzioni spetzìfica no spèndias, e si podint utilizari cun provedimantus de variatzioni de bilànciu scèti pustis s'aprovatzioni de su rendicontu...omissis... Sa cuota libera de si chi coillat de aministratzioni de su pretzedenti esertzìtziu finantzàriu, acrarau cunforma a s'art.186 e cuantificau cunforma a sa corriedda 1, podit èssiri utilizau cun provedimentu de variatzioni de bilànciu, po is finalidadis inditadas astuta in òrdini de prioridadi:*

- a) po sa cobertura de is dèpidus foras de su bilànciu;*
- b) po is provedimentus netzessàrius po sarvanguardari is ecuilibrius de bilànciu cunforma a s'art.193 innui no si potzat fai cun aministratzioni ordinària;*
- c) po finantziari is spesas de investmentu;*
- d) po finantziari is spesas currentis a caràtteri no permanenti;*
- e) po estinguiri a manera antizipada is prèsitus”;*

DONAU ATU ca, cunforma de sa corriedda 3-bis de s'articulu 187 arremonau, s'impreu de si chi coillat de s'aministratzioni finantzària no vincolau est amìtiu scèti chi s'enti no imperit s'anticipatzioni de tesoreria o a s'impreu de sa càscia econòmica de intradas chi tenint destinatzioni spetzìfica cunforma a is artt. 222 e 195 de su D.Lgs. 267/2000;

BIU ca s'enti no est in situatzioni de antizipu de tesoreria e no at imperau sa càscia econòmica po is intradas chi tenint destinatzioni spetzìfica, ddoi funt is cunditziunis po s'impreu de si chi coillat de s'aministratzioni no vincolau;

ARREMONAU su principiù contàbili apricau all.4/2 a su D.Lgs. n.118/2011, puntu 9.2, innui individuau sa costituzioni de is cuotas vincoladas, postas a parti, destinadas de s'arresurtau de aministratzioni e disciplinat is impreus relativus;

DONAU ATU ca a su bilànciu de previsionis de s'esertzitiu in cursu no est stètiu apricau s'avantzu liberu, chi arresurtat po custu aici pratziau:

Descrizioni	Arrestu acrarau	Arrestu apricau	Arrestu de apricari
Fundus postus a parti	423.768,45 €	- €	423.768,45 €
Fundus vincolaus	575.233,08 €	75.833,58 €	499.399,50 €
Fundus destinaus	- €	- €	- €
Fundus liberus	1.973.323,86 €	- €	1.973.323,86 €
TOTALI	2.972.325,39 €	75.833,58 €	2.896.491,81 €

BIU ca s'art.139, corriedda 1, de su D.Lgs. n.267/2000, prevedit chi is entis arrespetint in sa gestioni e in sa variatzioni de bilànciu de torrari paris cun totu is ecuilibrius stabilius po cobèrriri is spesas currentis e po finantziari is investmentus, cunforma a is printzìpius de s'ordinamentu finantziàriu e contàbili;

PRETZISAU ca innantis de protzedi a s'apricatzioni de si chi coillat de aministratzioni finantziària est stètia fata un'anàlisi dettaliada de totu si chi est scritu in su bilànciu po ndi verificai chi ddoi funt is ecuilibrius de bilànciu, cun riferimentu particulari a sa:

- verìfica de s'atendibilità e congrua de is previsionis de is intradas econòmicas e de is acramentus relativus;
- verìfica de sa capatzidadi de spesa de is stantziamentus de parti currenti e de is impènnius pigaus;
- verìfica generali de is fontis de finanziamentu de is investmentus;

RILEVAU ca de custa verìfica nd'est bessiu a pillu:

- ca no ddoi funt dèpidus fora de su bilànciu;
- ca abarrant is ecuilibrius de bilànciu;
- ca no est netzessàriu circari de cobèrriri is spesas currentis chi no s'arrepitint;

BIU s'aggiornamentu de su Programa po tres annus de is òperas pùbricas, e in particulari cussu po s'annu 2020, esaminau in su puntu pretzedenti a s'Ò.D.D.;

BIA sa proposta po apricai si chi coillat de s'aministratzioni de Èurus 1.100.000,00 po s'annu 2020 cun custa finalidadi:

- Realizatzioni de su pianu straordinàriu de ediltzia scolàstica Iscol@, traballus in s'edifitziu scolàsticu. Quota comunali po s'annu 2020, po € 270.000,00;
- Realizatzioni de su progetu "Escalaplano paese dell'arte". Traballus po valorizai su decoru urbanu, po € 120.000,00;
- Traballus e seguresa de is bias de sa bidde e sutaservitzius, po € 124.000,00;
- Manutenzioni straordinaria viabilità rurali po € 160.000,00;
- Pònneri in seguresa is franas in Localidadi Spina 'e Cristu, po € 205.000,00;
- Traballus po torrai a sanai e manutenzioni straordinaria de sa crabertura de sa crèsia, po € 30.000,00;

- Traballus po acabai Pratzza Costanzo Orgiana e torrai a fai sa crabetura de sa strutura sotziali residentziali, po € 112.000,00;
- Traballus po su sviluppu e s'ocupatzioni acabendi is arràngius de sa strutura comunali chiosco Pineta, po € 24.000,00;
- Realizatzioni pensilinas po is intradas de is scolas, po € 42.000,00;
- Po traballus de manutentzioni e arràngius de is faciadas de proprietadi de privaus, po € 23.000,00;

RITÈNNIU po custu fai a su Bilànciu de Previsioni 2020/2022 is variatzionis apòsitas po sa cumpetèntzia e sa càscia econòmica;

BIUS is prospetus allegaus predisponnius de s'Ufitziu de Ragioneria po is arrechestas fatas de is Responsàbilis de is Servìtzius;

BIUS:

- Su D.Lgs. n.267 de su 18 de Austu 2000;
- Su D.Lgs. 118/2011 e mm.ii.ss.;
- Su Statudu de s'Enti;
- Su Regolamentu de Contabilidadi Vigenti;
- Su Bilànciu de Previsioni 2020/2022;

DONAU ATU ca est stètiu achiriu a su prot. N. 6496/2020 su parri a favori n.15 de su 26/10/2020 de su Revisori de is Contus cunforma a s'art.239, corriedda 1, lit. b) de su D.Lgs. n.267/2000;

DONAU ATU ca abarrendi is eculìbrius de bilànciu e s'arrespetu de is vincolus de finàntzia pùbrica, cumentu arresurtat de is prospetus allegaus apòsitus;

ACHIRIUS is parris a favori cunforma a s'art.49 de su T.Ù. aprovau cun D.Lgs. 267 de su 18.08.2000, po sa regularidadi tènnica e cuntàbili espressaus de su Responsàbili de su servìtziu Finantziàriu;

SU SÌNDIGU illustrat s'argumentu a s'ò.d.d. inditendi is elementus de variatzioni de su programa chi est giai realizendi-sì e, pustis discussioni longa, ponit a is votus sa proposta cun custos arresurtaus:

PRESENTIS E VOTANTIS N. 10;

VOTUS A FAVORI N. 10;

CONTRÀRIUS N. / ;

ASTÈNNIUS N. / ;

A s'unanimidadi de votus a favori, espressaus a norma de lei;

DELÌBERAT

DE APROVAI is disponimentus inditaus, sa premissa e totu sa parti narrativa cumentu parti integranti e **sustantziali de su disponimentu**;

1. DE APRICAI a su bilànciu de previsioni po s'esertìtziu de is annus 2020/2022 una cuota de € 1.100.000,00 de si chi coillat de s'aministratzioni finantziària (Fundus liberus e no vincolaus), determinau a sa data de su 01/01/2020 chi est po unu totali de € 1.973.323,86, po finantziai custas spesas:

- Realizatzioni de su progetu “Escalaplano paese dell’arte”. Traballus po valorizai su decoru urbanu, po € 120.000,00;
- Traballus e seguresa de is bias de sa bidde e sutaservìtzius, po € 124.000,00;
- Manutentzioni straordinaria viabilidadi rurali po € 160.000,00;
- Pòniri in seguresa is franas in Localidadi Spina ‘e Cristu, po € 205.000,00;
- Traballus po torrai a sanai e manutentzioni straordinaria de sa crabetura de sa crèsia, po € 30.000,00;
- Traballus po acabai Pratzza Costanzo Orgiana e torrai a fai sa crabetura de sa struttura sotziali residentziali, po € 112.000,00;
- Traballus po su svilupu e s’ocupatzioni acabendi is arràngius de sa struttura comunali chiosco Pineta, po € 24.000,00;
- Realizatzioni pensilinas po is intradas de is scolas, po € 42.000,00;
- Po traballus de manutentzioni e arràngius de is faciadas de proprietadi de privaus, po € 23.000,00;

2. **DE DONAI ATU CA**, cunforma a si chi est dispònniu in su puntu pretzedenti 1), si chi coillat de s’aministratzioni finantzària est aici pratzida:

Descritzioni	Arrestu acrarau	Arrestu apricau	Arrestu de apricari
Fundus postus a parti	423.768,45 €	- €	423.768,45 €
Fundus vincolaus	575.233,08 €	75.833,58 €	499.399,50 €
Fundus destinaus	- €	- €	- €
Fundus liberus	1.973.323,86 €	1.110.000,00 €	863.323,86 €
TOTALI	2.972.325,39 €	1.185.833,58 €	1.786.491,81 €

3. **DE APRICAI**, in conseguèntzia de si chi est inditau impitzus, a su Bilànciu de previsionis 2020/2022 is variatzionis de cumpetèntzia e de càscia, cunforma a s’art.175, corrieddas 1 e 2, de su D.Lgs. n.267/2000 po is arresonis espressadas in sa premissa, e chi funt acraradas ne is prospetus allegaus, chi faint parti integranti e sustantziali de custa deliberatzioni , arresumadas aici:

Apricatzioni de si chi coillat a s’aministratzioni no vincolau € 1.100.000,00

PARTI CURRENTI:

- Annu 2020, 2021 e 2022: nisciuna variatzioni;

PARTI CAPITALI:

- Annu 2020: € 1.100.000,00 po spesas prus mannas;
- Annu 2021 e 2022: nisciuna variatzioni.

4. **DE DONAI ATU** ca custa deliberatzioni no cambiat s’ecuilibriu de su bilànciu de previsionis, cunforma a s’art.162 de su D.Lgs. n.267/2000 e ca po efetu de is variatzionis propònias, su Bilànciu de previsionis 2020/2022 presentat parègiu finantzàriu de cumpetèntzia, e a sa fini nd’arresurtat:

- Bilànciu annu 2020: is previsionis de cumpetèntzia funt ogualli a € 10.620.204,09
- Bilànciu annu 2021: is previsionis de cumpetèntzia funt ogualli a € 4.113.910,04
- Bilànciu annu 2022: is previsionis de cumpetèntzia funt ogualli a € 3.376.406,99

5. **DE DONAI ATU** ca abarrant is ecuilibrius de bilànciu, cunforma a is princìpius donaus de s'ordinamentu finanziàriu e contàbili e in particulari is artt. 162, corriedda 6 e 193 de su D.Lgs. n.267/2000 cumentu arresurtat de su prospetu allegau cumentu parti integranti e sustantziali.

6. **DE DONAI ATU** ca s'enti no fait arrecursu a antitzipai dinai de sa tesoreria né imperat intradas econòmicas chi tenint destinatzioni spetzifica e chi po custu no ddoi funt problemas a imperai si chi coillat de s'aministratzioni de bilànciu no vincolau cunforma a s'art.187, corriedda 3-bis de su D.Lgs. n.267/2000.

Parris ex art. 49 de su T.Ù. de sa lei apitzus de s'ordinamentu de is EE.LL. aprovau cun D.Lgs. 267/2000

A) Si donat parri a favori po si chi pertocat sa regularidadi tènnica

SU RESPONSÀBILI DE SU SERVÌTZIU

Giovanni Luigi Mereu

B) Si donat parri a favori po si chi pertocat sa regularidadi contàbili

SU RESPONSÀBILI DE SU SERVÌTZIU

Giovanni Luigi Mereu

Lìgiu, aprovau e sutascritu

SU SÌNDIGU

Marco Lampis

SU SEGRETÀRIU COMUNALI

Dot. Giovanni Mattei

Deu etotu sutascritu Segretàriu Comunali:

ACRARU

Ca custa deliberatzioni, in aplicatzioni de sa L.R. n.2 de su 04/02/2016 est stètia publicada, a s'Albu Pretòriu comunali in data de 28/10/2020 po ddoi abarrai po cùndixi diis de sighiu

Su Segretàriu Comunali

Dot. Giovanni Mattei

Scalepranu, su 28/10/2020

Deu etotu sutascritu Segretàriu Comunali, bius is autus de ufitziu

ACRARU

Ca custa deliberatzioni, est esecutiva de sa diri 08/11/2020:

- Poita ca est stètia decrarada eseguibili de luegu, cunforma a s'art.134, si de 4^u corriedda de su D.Lgs. 267/2000;
- Poita ca funt passadas 10 diis de sa publicatzioni.

Su Segretàriu Comunali

Dot. Giovanni Mattei